

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注(十四)

全国图书馆文献缩微复制中心

明抄本万历起居注目录（十四）

万历三十五年上	一
万历三十五年下	一八
万历三十六年	三九

萬曆三十五年正

題茲遇

正旦令節臣恭詣

宮門外叩頭

慶賀伏蒙

皇上遣司禮監大監陳矩管待酒飯

頒賜臣燒割一分酒飯一卓甜食一大盒伏盪一盒

硬糖餅一盒絲窩糖一盒臣頓首祇領不勝感

戴

天恩之至謹具題謝



大學士朱賡謹



恩

是日大學士朱賡謹

題伏蒙

皇上以

正旦令節

頒賜上尊珍饌臣頓首祇領不勝感戴

天恩之至謹具題謝

恩

三日丁卯大學士朱賡謹

題照得十二月二十七日該吏部左侍郎楊時喬

題

請為計期迫近主計大臣既未奉

明旨請照常於正月初二日會同都察院考察天下

官員隨奉

聖旨是欽此昨日初二日部院以欽遵行事考察過

浙江一省今日初三日考察江西福建二省俱

有次第矣茲忽奉

聖旨着尚書趙世卿代理楊時喬協同行事則前二

日已行之事又須趙世卿從新做起恐于政體

未便

朝廷大典不_宜二三如此又朝
覲禁約一本乃吏部去年九月所題今始
發行亦屬非體臣請留下二本且勿
發出更為妥當此事關係國體臣不敢不言伏乞
聖明鑒照臣不勝戰悚惶恐之至

四日戊辰大學士朱賡謹

題昨者文書房發出

批紅二本命趙世卿代理察事臣以為前有
明旨准楊時喬同都察院考察業已行之二日矣似
不可二三其令故具揭請

皇上收回此命隨蒙

取回二疏渾然無跡矣今日見楊時喬一本復停止

考察以待趙世卿之至事屬兩難勢必耽閣

祖宗欽定之期

朝廷激揚之典中外觀望所關非小豈宜屑越如

此伏望

皇上早賜乾斷仍令楊時喬遵照前

旨如期竣事臣不勝顙俟之至伏候

勅旨

七日辛未太子太保禮部尚書文淵閣大學士

臣朱賡謹

奏為時維孟春民物咸熙懇乞

聖明益布新令以疏鬱滯以隆

萬世治安事臣讀月令天子以立春之日布德和令
行慶施惠蓋天之生意在春而王者以政令助
之必使物物得所而後為同春之化也

皇上久道化成澤被萬物草木含生之類皆欣欣向
榮而縉紳衣冠之中尚有久鬱而不伸者則行
取候選諸臣是以臣半年以來請之不遺餘力
而部院臺省極口言之亦無剩詞矣臣何庸贅

獨謂物窮則不得不通勢極則不得不反今遠
省有四年無巡按者科道有一人兼數差而匍
匐不遑者御史有九年考滿而復在道管事者
巡按有候代不得而株守郡縣之間者有真病
不得告而狼狽於地方者以故吏治不飭民困
日滋今歲備察冊中貪官污吏最多職此之由
是

國家陰受其蔽而

皇上不知也且此輩為

皇上効力四方七八年於外不可謂非勞臣而候選

二年迄無着落資斧既盡升斗未沾如窮人無所歸至鬱而成病者而物故者數人是諸人明受其敝而

皇上不知也揆之物理叅之人情已到至窮至極之處通之反之宜莫如此時矣而

明詔猶然未渙豈意此輩或新進喜事而預防其激聒乎夫防人之口猶防川也人各有口豈必言官要在

朝廷有道大廉小法則國是自明妄言自息况慎選老成責在部院採擇可否鑑在

宸衷何可一際停寢因噎廢食語云山有猛虎藜藿
不采國有拂士奸偽不萌自古及今未有不用
耳目之官而可以為國者臣生平不敢昵一私
人門無科道之迹久矣倘植黨市恩為諸人緩
頰以欺

皇上天地鬼神必殛之萬萬不敢也伏望

皇上乘此布德和令之時

亟命部院從公考選以疏鬱滯則不惟諸人感頌
聖恩益思報稱而四方朝

覲之臣亦有所激勵而興起億萬年無疆之業又自

今春始矣臣不勝懇切祈望之至
九日癸酉大學士朱賡謹

題伏蒙

皇上以

立春令節

頒賜上尊珍饌臣頓首祇領不勝感戴

天恩之至謹具題謝

恩

十日甲戌大學士朱賡謹

題伏蒙

命臣擬

皇太子第三女名臣謹欽遵恭擬

上進伏乞

聖明裁擇點用謹具題以

聞

擬

賜皇太子第三女名

徽璇 音前福也吉也

徽婉 音媛美也順也

徽妍 音年美好也

徽婧音靜女貞也

十二日丙子大學士朱賡謹

題為印信事照得左春坊左庶子吳道南右春坊
右庶子莊天合掌司_經局印信左諭德馮有經俱
經陞任去訖所有坊局各印信缺官掌管臣謹
推得右庶子馮有經應改左春坊掌管左春坊
印信右庶子周如砥應掌管右春坊印信左諭
德翁正春資俸並深應量陞右庶子無侍讀掌
管司經局印信再照舊制左右兩坊設官原自
均勻今銓注右坊者偶多于左似屬偏勝合無

將年深右諭德顧天峻李騰芳改左春坊量存
均一之制伏乞

勅下吏部查照施行臣未敢擅便謹題請
旨奉

聖旨是吏部知道

十八日壬午大學士朱賡謹

題本月初九日伏蒙

命臣擬

皇太子第三女名臣謹欽遵於初十日恭擬淑名
進呈尚未奉

欽點切照

命名之期僅隔四日伏乞

蚤賜採擇點用以便寫箋封

進請

寶庶不誤事謹具題催請以

聞

二十一日乙酉大學士朱賡謹

題臣於十七日申時出閣偶因頭暈足軟下階閃
傷筋骨至今遍身痛楚不能入直者三日矣蓋
老年血氣衰弱無之積勞日久一有損傷猝難